



## Publicaziuns dalla vischnaunca, jamna 12

### Via Dulezi

#### Post per la rimnada da rumians

En connex cun la realisaziun dalla surbaghegiada sin parcella 632 vegn il post da rimnada sligiaus transitoriamein. Duront il temps da baghegiar sa vegnir fatg diever dil plaz alla Via Sontga Gada (sur santeri) ni la suschna davos halla Cons.

Culs patruns dalla surbaghegiada sin la parcella 632 eis ei stau pusseivel d'anflar ina nova sligiazion. Suenter che la surbaghegiada ei finida sa vegnir mess a disposiziun in niev plaz da rimnada a Dulezi. Nus engraziein als vischins per la pazienza e capientscha duront il temps da baghegiar.

*Uffeci da baghegiar Disentis/Mustér*

---

### Parcadi sutterran Casa Sogn Gions

#### Affittaziun

En connex cun l'engrondaziun dalla Casa da tgira Sursassiala ha la vischnaunca acquistau 13 parcadis sutterrans. Quels parcadis ein destinai sco parcadis permanents che san vegnir affittai d'interessents che vulan plazzar permanentamein leu lur vehichels. Engins parcadis ein aunc libers e san vegnir affittai naven d'immediat. La suprastonza communal ha fixau il tscheins meinsil d'affittaziun a frs. 140.– per parcadi. Interessents che giavischen d'affittar in parcadi sutterran a Sogn Gions ein envidai d'annunziar lur interess a scret agl uffeci da baghegiar, caum postal 57, 7180 Disentis/ Mustér ni per e-mail: [baghegiar@disentis.ch](mailto:baghegiar@disentis.ch).

*Suprastonza communal Disentis/Mustér*

---

### Fiera tessinesa

**Dumengia, ils 23 da mars 2014 e dumengia ils 30 da mars 2014** ha liug ina fiera tessinesa. Ils stans vegnan endrizzai sin il parcadi ad Acla da Fontauna denter la Via Alpsu e la Via Acletta. La fiera ha liug mintgamai naven dallas 11.00 entochen allas 20.00.

*Administraziun communal*

---

### Lenna da brisch

Damondas per lenna da brisch (pégn ni faua) ein da far en scret entochen ils 14 d'avrel 2014 agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mai; [uaul@disentis.ch](mailto:uaul@disentis.ch) cun suandontas indicaziuns: sortiment giavischau (lenna sort ni lenna fendida/resgiada) ed il quantum. Sin giavisch vegn la lenna era furnida franco a casa.

*Uffeci forestal Disentis/Mustér*

---

### Controlla da habitonts

#### Mortori

Gieri Albin-Seglio, naschius ils 24 d'october 1943, morts ils 13 da mars 2014.



### Dis dallas portas aviartas

Geniturs ed autras persunas interessadas vid la scola han la pusseivladad da visitar lur affons durant l'instrucziun e quei sco suonda:

**Mesjamna, ils 26 da mars 2014 (7.45–11.10)**

**Gievgia, ils 27 da mars 2014 (7.45–16.10)**

**Venderdis, ils 28 da mars 2014 (7.45–16.10)**

Per evitar malruaus giavischein nus da visitar l'entira lecziun. Ils affons e las persunas d'instrucziun selegran da Vossa viseta.

*Kai Hinrichsen, meinascola*

---

### Apparats d'udida

**Gliendisdis, ils 31 da mars 2014** saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14:00 – 16:00.

L'unìun Pro Audito Cuera cun signur Arthur Jacomet fa quei survetsch per tuts interessents gratuitamein.

Cordiala invitaziun

*Center da sandad Sursassiala SA*

---

### Vischinadi Segnas/Mompé Tujetsch e corporaziun d'arrundaziun Segnas

**Invit ad ina sera d'informaziun e discussiun venderdis, ils 28 da mars 2014** allas 20.15 en casa da Scola Segnas.

Tractandas:

1. Beinvegni
2. Informaziun meglieraziun Segnas (niev; meglieraziun funsila e buca mo sanaziun da vias sco tochen ussa previu)
3. Surpassadis MGB (cunzun staziun Segnas denton era ulteriurs)
4. Discussiun
5. Varia

Las suandontas persunas presentas:

Vischnaunca Mustér

-Francesstg Cajacob, president communal, meglieraziun Mustér

-Walter Deplazes, president, meglieraziun Mustér

-Martin Bundi, representant uffeci d'agricultura e geoinformaziun

-Conrad Derungs, planisader Matterhorn Gotthard Bahn (MGB)

-Iso Mazzetta, inschegner e planisader

Cordialmein envida

*la suprastonza dil vischinadi Segnas e la suprastonza dalla corporaziun d'arrundaziun Segnas*

---



### **Uniun da dunnas Mustér**

#### **Invit alla radunonza generala, mesjamna, ils 26-3-2014**

allas 19.30 ell'ustria Cruna, Mustér.

Salid e beinvegni.

Tractandas:

1. Elecziun da dumbravuschs
2. Approbaziun dil protocol dils 8-3-2013
3. a. Rapport annual  
b. Rapport dalla sut-gruppa mummas cun affons pigns
4. Rendaquen, rapport dallas revisuras ed approbaziun
5. a. Program annual  
b. Program annual sut-gruppa mummas cun affons pigns
6. Fixar la contribuziun annuala
7. Elecziuns
8. Co vinavon cun nossa uniun?
9. Varia

Sco usitau vegn purschiu ina pintga tscheina. Naven dallas 19.00 sa vegnir priu investa dil protocol dalla davosa radunonza generala. Selegrond sin ina stedia participaziun salida cordialmein. En num dalla suprastonza la presidenta, Fabiana Candinas

Contribuziun annuala: Frs. 20.– (in ton va era alla sutgruppa mummas cun affons pigns)

Contribuziun s. Elisabeth: libra.

---

### **Uniun samaritana Mustér**

Cuors: Agid d'urgenza tier affons pigns (Notfälle bei Kleinkindern), sonda, ils 5 d'avrel 2014, 8.00–12.00, 14.00–18.00. Il cuors sedrezza a mummas e babs, tattas e tats ed a tut las persunas che s'occupeschan dad affons pli pigns ed era pli gronds.

Ulteriur sclariment ed annunzias entochen ils 26 da mars 2014 tier Yvonne Flepp, Telefon 081 947 50 35, yvonne.flepp@kns.ch

---

### **Uniun gimnastica da dunnas Mustér**

#### **Turnier da bal reit:**

**Sonda, ils 22 da mars 2014**

Liug: Center da sport e cultura Disentis

Temps: 11.00-21.00. Nus selegrein sin biars aspectaturs.

*Suprastonza UGDM*

---

### **Frauenturnverein Disentis**

#### **Netzbaltturnier:**

**Samstag, 22. März 2014**

Ort: Center da sport e cultura Disentis

Zeit: 11.00-21.00 Uhr. Wir freuen uns auf viele Zuschauer.

*Vorstand FTV Disentis*



### Center sursilvan d'agricultura Mustér

#### Renaschientscha dil graun en Surselva?

**Mesjamna, ils 2 d'avrel 2014**, 20.15 el Center sursilvan d'agricultura Mustér

- Il svilup dils ers en Surselva
- Schanzas pils ers cun la nova politica agrara
- Commerzialisaziun dil graun da muntogna
- Diever da maschinas

Ei refereschon: Batist Spinatsch, menader dil ressort cultivaziun da plontas Plantahof, Maria Egenolf, meinafatschenta Gran Alpin, Renzo Blumenthal, cuminonza da maschina da scuder Lumnezia.  
Entra libra, collecta.

Cordial beinvegni a quell'occurenza publica!  
[www.agricultura.ch](http://www.agricultura.ch), tel. 081/936 48 00

---

### Uniun da dunnas Mustér Fletrar folets (Wichtel)

Menadra: Annamaria Schnoz

Liug: Gassa da Cuoz 25, Segnas

Temps: 19.00 – 22.00

Datum: Naven dils 3 d'avrel mintgamai gliendisdis e la gievgia, 4-5 ga.

Annunzias: Las annunzias pren bugen encunter tochen ils 31 da mars 2014, Annamaria Schnoz, 079 398 77 68.

---

### Radunonza alp Cristallina

Radunonza generala dils possessurs da dretgs alp Cristallina, **ils 29 da mars 2014**, allas 20.15 el Hotel Alpsu Disentis/Mustér.

Tractandas:

1. Beinvegni
2. Elecziun d'in dumbravuschs
3. Prelecziun dil protocol ed approbaziun
4. Render quen 2013
5. Rapport dils revisurs ed approbaziun dil quen
6. Fixar il tscheins dils dretgs per 2014
7. Rapport dil president
8. Varia

Suenter radunonza vegn purschiu als presents ina tscheina. A stedia partizipaziun envida

*La suprastonza*